

Қазақстан Республикасының Үкіметі мен Хорватия Республикасының Үкіметі арасында Сауда-экономикалық ынтымақтастық туралы келісім жасасу туралы

Күшін жойған

Қазақстан Республикасы Үкіметінің қаулысы 2001 жылғы 18 шілде N 972. Күші жойылды - Қазақстан Республикасы Үкіметінің 2002.04.22. N 455 қаулысымен. ~ P020455

Қазақстан Республикасының Үкіметі қаулы етеді:

1. Қазақстан Республикасының Үкіметі мен Хорватия Республикасының Үкіметі арасында Сауда-экономикалық ынтымақтастық туралы келісімнің ж о б а с ы м а қ ұ л д а н с ы н .

2. Қазақстан Республикасының Экономика және сауда министрлігі Қазақстан Республикасының Сыртқы істер министрлігімен бірлесіп көрсетілген Келісімді жасасу туралы хорват тарапымен келіссөздер жүргізсін.

3. Қазақстан Республикасының Экономика және сауда министрі Жақсыбек

Әбдірахметұлы Құлекеевке қағидатты сипаты жоқ өзгерістер мен толықтырулар енгізуге рұқсат бере отырып, Қазақстан Республикасы Үкіметінің атынан Қазақстан Республикасының Үкіметі мен Хорватия Республикасының Үкіметі арасындағы Сауда-экономикалық ынтымақтастық туралы келісімді жасасуға өкілеттік берілсін.

4. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі

Жоба

Қазақстан Республикасының Үкіметі мен Хорватия
Республикасының Үкіметі арасындағы Сауда-экономикалық
ынтымақтастық туралы келісім

Қазақстан Республикасының Үкіметі мен Хорватия Республикасының Үкіметі (бұдан әрі Тараптар деп аталатын),

ұзақ мерзімді, тұрақты және тең құқықты негіздегі сауда-экономикалық

ынтымақтастық екі жақты қатынастарды дамытуда маңызды және қажетті фактор

болып табылатындығын тани отырып,

екі елдің экономикалық субъектілерінің арасындағы байланыстарды дамыту мақсатында қолайлы жағдайлар туғызуға және өзара мүдделілік білдірілген барлық салаларда сауда-экономикалық ынтымақтастыққа жәрдемдесуге ұмтыла отырып, сондай-ақ транзит еркіндігі қағидатын сақтау мақсатында,

төмендегілер туралы келісті:

1-бап

Мақсат

Осы Келісімнің мақсаты Тараптардың мемлекеттері арасында өзара сауда жүргізу және экономикалық қатынастар үшін режим белгілеу болып табылады.

Тараптардың ұлттық заңнамаларына және халықаралық міндеттемелеріне сәйкес екі жақты сауда-экономикалық қатынастарды үйлесімді дамытуға Тараптар жәрдем көрсететін болады.

2-бап

Ең қолайлы жағдай режимі

1. Тараптар ұлттық заңнамаларына және Тараптар мемлекеттерінің мүдделеріне сәйкес:

а) мұндай баждар мен алымдарды өндіріп алу тәсілін қоса алғанда, кеден баждары мен импортқа және/немесе экспортқа салынатын кез келген түрдегі а л ы м д а р ғ а ;

б) кедендік тазартуды, транзитті, қоймаға жинауды және қайта тиеуді қоса алғанда, импортқа және/немесе экспортқа қатысты ережелер мен ресмиліктерге;

в) тауарларды импорттау кезінде немесе олардың импортына байланысты қолданылатын салықтарға және кез келген түрдегі басқа ішкі алымдарға;

г) ішкі рынокта импортталатын тауарларды сатуға, сатып алуға,

тасымалдауға, бөлуге, қоймада жинауға және пайдалануға;

д) төлемдерді жүзеге асыру және аудару әдістеріне қатысты барлық мәселелер бойынша бір-біріне ең қолайлы жағдай режимін жасайды.

2. Осы баптың 1-тармағының ережелері Тараптар мемлекеттерінің әрқайсысы:

а) шекара маңындағы сауданы жеңілдету үшін шектес елдерге;

б) кеден одағына, еркін сауда аймағына немесе аймақтық экономикалық

ұйымға қатысу мақсатында;

с) ДСҰ/ТСБК келісіміне сәйкес дамушы елдерге берген немесе бере алатын артықшылықтарға және жеңілдіктерге қолданылмайтын болады.

3-бап

Транзит

Әрбір Тарап Тараптардың ұлттық заңнамаларына сәйкес басқа Тарап мемлекетінің аумағынан шығатын немесе басқа Тарап мемлекетінің аумағына арналған тауарлардың өз мемлекетінің аумағы арқылы кедергісіз транзитін қамтамасыз етеді.

4-бап

Ұлттық режим

Бір Тарап мемлекетінің аумағында өндірілген, басқа Тарап мемлекетінің аумағына импортталған тауарларға басқа Тарап мемлекетінің аумағындағы айналымда қолайлылығы ішкі өндірістің осындай тауарларына қолданылатыннан кем емес шарттар қолданылуы тиіс. Көрсетілген шарттар, соның ішінде ішкі салықтарды және басқа ішкі алымдарды, ішкі саудаға, сату, сатып алу, тасымалдау, тауарларды бөлу немесе пайдалану туралы ұсыныстарға қатысты

заңнаманы, ережелер мен талаптарды қамтиды.

5-бап

Ырықтандыру

Әрбір Тарап Тараптар мемлекеттері өнімінің импортын ырықтандыруға неғұрлым қолайлы деңгейді ұсынады. Ырықтандыру процесі Тараптар арасындағы сауданы дамытудың, рыноктағы жағдайлардың, Тараптар мемлекеттерінің ұлттық заңнамаларындағы өзгерістердің негізінде есепке алынатын болады.

6-бап

Шыққан елі

Бір Тарап мемлекетінің аумағына импортталатын тауарлардың шыққан елі осындай Тарап мемлекетінің ұлттық заңнамасы мен өзі қатысушы болып табылатын халықаралық келісімдерге сәйкес айқындалатын болады.

7 - б а п Т ө л е м д е р

1. Егер, Тараптар мемлекеттерінің ұлттық заңнамаларына сәйкес жекелеген шаруашылық жүргізуші субъектілердің арасында арнайы өзгеше келісілмеген болса, екі елдің арасында тауарлармен және қызмет көрсетулермен сауда кезінде барлық төлемдер еркін айырбасталатын валютада жүзеге асырылуы тиіс.

2. Жеке мәмілелерге қатысушы Тараптардың субъектілеріне еркін айырбасталатын валютаға қол жеткізу және оның аударымы жөнінде үшінші мемлекеттің субъектілеріне жасалғаннан кем емес қолайлы режим жасалуы тиіс.

8 - б а п Экономикалық ынтымақтастық

1. Тараптар екі жақты сауда-экономикалық ынтымақтастықты дамыту мақсатында ақпарат алмасуды көтермелейтін болады.

2 . Т а р а п т а р :

- жәрмеңкелер, көрмелер, конференциялар, жарнамалар, консультациялар және басқа да қызмет көрсету бизнесін ұйымдастыруды және өткізуді;
- шаруашылық жүргізуші субъектілердің, өндірушілер ассоциацияларының, сауда палаталарының және Тараптар мемлекеттерінің басқа сауда ассоциацияларының арасындағы байланыстарды дамытуды;
- бірлескен экономикалық және өнеркәсіптік, атап айтқанда, ауыл

шаруашылығы мен агроөнеркәсіптік қызмет, телекоммуникациялар, денсаулық сақтау, медициналық жабдықтар, білім беру саласындағы ынтымақтастықты дамытуды қоса алғанда, өзара сауданы жақсартуға бағытталған шаралар арқылы сауда-экономикалық ынтымақтастыққа жәрдем көрсетуге келіседі.

9-бап Сауда өкілдігі

Тараптар ұлттық заңнамаларына сәйкес Тараптар мемлекеттерінің аумағында сауда өкілдіктерін ашуға құқылы.

10-бап Қорғау, демпингке қарсы және өтемдік шаралар

Тараптар өздерінің ұлттық заңнамаларына сәйкес Тараптар мемлекеттері тауарларының импорты кезінде қорғау, демпингке қарсы және өтемдік шаралар қолданатын болады.

11-бап

Жалпы ерекшеліктер

Осы Келісімде Тараптарға ұлттық қауіпсіздік, қоғамдық мораль және қоғамдық тәртіп мүдделерін, адамдардың өмірі мен денсаулығын, жануарлар мен өсімдіктерді, ұлттық игілікті құрайтын көркемдік, сәулеттік, тарихи құндылықтарды қорғауға бағытталған шаралар қабылдауға ешнәрсе де кедергі жасамайды.

12-бап

Санаткерлік меншік

1. Санаткерлік меншіктің сауда және экономикалық ынтымақтастықты дамыту үшін маңыздылығын ескере келіп, Тараптар өнертапқыштық, өнеркәсіптік үлгілер, интегралдық шағын схемалар және ноу-хау ашылмаған ақпарат топографиясы саласындағы авторлық және сабақтас құқықтарды, тауарлық белгілерді, географиялық көрсеткіштерді, патенттерді кемсітусіз

толық және тиімді қорғауды қамтамасыз етеді.

2. Әсіресе, Тараптар ДСҰ-ның Санаткерлік меншік құқықтарының аспектілері жөніндегі келісімінің ережелеріне сай болуы үшін шаралар қабылдайтын болады.

3. Бұдан әрі, Тараптар санаткерлік меншік құқықтарын қорғау саласындағы халықаралық конвенцияларға кіру үшін барлық күш-жігерлерін жұмсайтын болады.

13-бап

Стандарттар

1. Әрбір Тарап басқа Тараптың сұрау салуы бойынша стандарттауға қатысты шаралар жөнінде ақпарат береді.

2. Тараптар саудадағы кедергілерді азайту мақсатында стандарттау саласында ынтымақтастық жасайтын болады.

14-бап

Бірлескен комиссия

Осы Келісімді іске асыру және сауда-экономикалық ынтымақтастықты жетілдіру жөніндегі ұсынымдарды әзірлеу мақсатында Тараптар казахстан-хорват сауда-экономикалық ынтымақтастығы жөнінде бірлескен үкіметаралық комиссиясын құруға келісті.

15-бап

Ерекше жағдайлар

Тараптардың өзара келісімі бойынша осы Келісімге жекелеген хаттамалармен ресімделетін, осы Келісімнің ажырамас бөлігі болып табылатын өзгерістер мен толықтырулар енгізілуі мүмкін.

16-бап

Күшіне енуі

Осы Келісім Тараптардың оның күшіне енуі үшін қажетті мемлекетшілік рәсімдерді орындауы туралы соңғы жазбаша хабарлама алған күнінен бастап күшіне енеді.

Осы Келісім мерзімі белгіленбей жасалады және Тараптардың бірі оның қолданылуын тоқтатуға өз ниеті туралы басқа Тарапқа жазбаша хабарлама жіберген күнінен бастап 6 ай өткенге дейін күшінде қалады.

_____ қаласында 200__ жылғы "___" _____ әрқайсысы қазақ, хорват, ағылшын және орыс тілдерінде екі түпнұсқа данада жасалды, мұның өзінде барлық мәтіндердің күші бірдей. Осы Келісімнің ережелерін түсіндіруде келіспеушіліктер пайда болған жағдайда, Тараптар ағылшын тіліндегі мәтінге жүгінеді.

Қазақстан Республикасының
Үкіметі үшін

Хорватия Республикасының
Үкіметі үшін

Мамандар:

Қасымбеков Б.А.

Икебаева Ә.Ж.